



Broj: T18 0 KT 0018539 25
Brčko, 24.07.2025. godine

Optužnica potvrđena dana 28.07.2025.godine

Na osnovu člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

H. D., zvani „L...“, rođen 1979.godine u Brčkom,

Što je:

Večeri 06.05.2025.godine, oko 20,00 časova u Brčkom u ulici Rogozan, ispred kućnog broja ..., došao namjenski iz naselja Ivici u kojem živi, nalazeći se pri tome u stanju neuračunljivosti, kada nije mogao da shvati značaj svojih djela niti da upravlja svojim postupcima, zbog ozbiljnog i trajnog duševnog oboljenja psihotičnog i hroničnog karaktera u vidu Perzistirajućeg sumanutog poremećaja, uz posljedičnu deterioraciju ličnosti, koje stanje je obilježeno pojavom visoko sistematizovanih sumanutih ideja i nepredvidivim ponašanjem, koje ideje su u konkretnom slučaju od D. bile usmjerene prema oštećenom Z.u Š., kojeg je bezrazložno zbog svojih sumanutih ideja „obilježio kao osobu koja mu uništava porodicu i koja nastoji ugroziti i D. život i zdravlje“, te namjenski čekajući Z. povratak iz prodavnice kući, u namjeri da Z. teško tjelesno povrijedi, odnosno da mu ozbiljno naudi na život i tijelo, a nakon što je pripremio četiri ručno izrađena improvizovana zapaljiva sredstva tzv. „Molotovljeva koktela“, čiji se efekat postiže stvaranjem izvora toplote, odnosno paljenjem tkanine u zatvorenom otvoru staklene boce sa prisustvom nekih od gorivih materija, pa nakon što je u mračnoj ulici sačekao Z. povratak i činjenicu da mu se približio u svom kretanju, prema istom počeo nasrtati preklopnom metalnom čakijom koju je držao u desnoj ruci, ukupne dužine od 14,5 cm, sa dužinom sječiva od 5,5 cm, te istom više puta zamahnuo prema oštećenom Z., koji je vješt看 izmicanjem svoga tijela uspio izbjeći da ga povrijedi oštricom, ali je u jednom momentu D.uspio stisnutom šakom lijeve ruke da zada udarac Z. u otvoreni dio lica, nanijevši mu na taj način laku tjelesnu povredu u vidu manje nagnječno- razderne rane na gornjoj usni bliže lijevom usnom uglu i dalje nastavljajući da poduzima aktivne radnje da Z.a povrijedi nožem, da bi u jednom momentu kada je primijetio da Z. bježi prema svojoj kući, u namjeri da mu Z. ostane dostupan za povređivanje i da mu onemoguću boravljenje u kući, na istu bacio tri Molotovljeva koktela koja su usljed otvorenog djelovanja plamena i prisustva lakozapaljive tečnosti razbuktali požar te termičku energiju gorenja na spratu kuće prenijeli i zapalili određene dijelove drvene ograde i stolarije, a koji način gorenja je prouzrokovao isparenje zapaljive materije, što je realno prouzrokovano buktinjom izazvalo opasnost od daljeg širenja požara unutar i na kući, ukupne vrijednosti kuće od 82.800,00 KM, pa u daljoj istrajnoj namjeri da naudi

Z., zgrabio i četvrti pripremljen „Molotovljev koktel“, natopljen benzinom, koji je bio vješto pripremljen na način da bi doveo u realnu životnu opasnost rasplamsavanje plamene stihije, tijelo i život Z., pa ga D. zapalio i bacio u pravcu Z., koji nije uspio dosegnuti njegovo tijelo već se otkotrljao do Z. nogu, uz izgovaranje D. riječi prema Z. „ E ovaj je za tebe“, ali se isti u svom letu zaustavivši se kod nogu oštećenog nije aktivirao najvjerovatnije usljed slabo izazvanog izvora toplote, odnosno paljenja tkanine, što je dovelo u situaciju Z. da je brzinom svoje reakcije i vještim snalaženjem uspio ući u kuću i većom količinom vode ugasiti vatru u toj fazi i spriječiti njeno dalje širenje, dok bi u suprotnom bila stvorena realna ugroženost porodične kuće Z., nakon čega je odmah pozvao policiju, dok je D. pobjegao ka glavnoj ulici Zaima M.

dakle, u stanju neuračunljivosti požarom i opšte opasnim sredstvom izazvao opasnost za život ljudi i imovinu većeg obima i drugog lako tjelesno povrijedio,

čime je u stanju neuračunljivosti učinio produženo protivpravno djelo - Izazivanje opšte opasnosti - iz člana 317 stav (1) u vezi sa članom 55 Krivičnog zakona Brčko distrikta, u sticaju sa protivpravnim djelom - Laka tjelesna povreda – iz člana 170 stav (1) Krivičnog zakona Brčko distrikta, a sve u vezi sa članom 54 istog Zakona.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.****
